

Josua

Isrel ämawebetä kome iwoyän yämani u koreŋkuŋ

Josua 24:1-2, 14-24

Ämawebe Yawe iwatta yänkehärom taŋkuŋ

¹Eruk Josuatä Isrel ämawebe yänpäbä Sekem komeken kubäkengän yepmaŋkuk. Täŋkaŋ äma ekäni ekäni ba intäjukun äma ba man yäpmän daniwani äma imaka, yänpäbä yepmaŋpänkaŋ Anutu iŋamiken itkuŋ. ^{2 a} Ude irirä Josuatä ŋode yäwetkuk; Yawe, Isrel täŋo Anututä ŋode yäyak; Bianinik Abrahamkät Naho täŋo nani wäpi Tera ukät orajiye ätu Yufretis ume ani kukŋi udude itkaŋ anutu jopi-jopi yäniŋ oret täŋkuŋonik.

....

^{14 b} Täŋpäkaŋ Josuatä man u yän paotpäŋ ŋode yäwetgän täŋkuk; Eruk, Yawetagän umuntaŋpäŋ iniken kädet iwattagän bänepjin nadäk-nadäkjin kubägän pewut. Täŋkaŋ anutu jopi-jopi äbekjiye orajiyetä Yufretis ume ani kukŋi udude itkaŋ yäniŋ oret täŋkuŋo ba Isip komeken itkaŋ gwäjiŋ äpmoŋ yämik täŋkuŋo u ureŋ täŋpä kwäpäŋ Yawe täŋo gämorikengän it takot. ¹⁵Täŋ Yawe täŋo gämorikengän kuŋatta gäripi nämo nadäŋpäŋä ket nadäwut; Apiŋo netä gämoriken api itne yän siwoŋi yäwut. Äbekjiye orajiyetä ume udude käda itkaŋ anutu jopi yäniŋ oret täŋkuŋo u ba Amo ämawebe, komeni koreŋpäŋ itkaŋken ŋonitäŋo anutu jopi u gämoriken api itneŋ? Upäŋkaŋ näkŋata ŋode yäyat; Näkŋa ba webena nanaknaye ninäwä Yawe gämorikengän itkaŋ watä piä unitagän api täŋ imine.

¹⁶Josuatä ude yäweränä ämawebe päke unitä yänkuŋ; Nämö! Ninä Yawe mäde ut imiŋpäŋ anutu jopi-jopi gämoriken nämoinik api itne.

^a 24:2 Stt 11:27 ^b 24:14 Stt 17:1; Kis 20:3-4; Sam 111:10; Apos 9:31; Efe 6:24; Plp 1:10

¹⁷Yawe Anutunin ini uwä nin ba äbekniye oraniye Isip kome komi epänken nanik nimagutpäñ kudän kudupi pähap täñjirän dapunintä kañkumäj. Täñkañ äma ätutä komeken kadäni käroni kuñatkumäjken u Yawetä watä säkgämän it nimiñkuk. ¹⁸Ude täñkañ Yawetä Amo nanik ba kome ätu täño kome mähem yawat kireñpäñ komeni nimiñkuk. Unita nin imaka, Yawe gämoriken itkañ unita watä piä api täñ imine, u nintäño Anutu unita.

¹⁹^c Ude yäjirä Josuatä yawetkuk; Inä Yawe gämoriken jop täga nämo api itnej. Anutu uwä siwoñi kudupiinik. U ämawebeniyetä anutu ätu nadäj yämikta bitnäkinik täk täyak. Ude tänayäj täño uwä peñawäkjin täño momi täga nämo api peñ tamek yäk. ²⁰Nadäkañ? Täga täñ tamik täyak upäñkañ Yawe mäde ut imiñkañ kome ätu täño anutu jopi yawatnayäj täño uwä Yawe uwä äyäjutpäñ in täñpäñ wawapäñ api tadäpmäj morewek yäk.

²¹Ude yaweränä ämawebetä Josua ñode iwetkuñ; Nämoinik! Ninä Yawe gämorikengän itkañ unita watä piä api täñ imine. ²²Ude yawäwä Josuatä yawetkuk; Injin-tägän yäjahäñpäñ Yawe gämoriken itta yäjkehäromtak man yäkañ. Ude yaweränä yäjkuñ; Ei, ninin yäkamäj ude!

²³^d Täñpäkañ Josuatä äneñi ñode yawetgän täñkuk; Ude yäkañ unita äma ätu täño anutu jopi in bämopjinken itkañ u ureñ täñpä kwäpäñ bänepjin Isrel täño Anutu Yawe unitagän iniñ kirewut. ²⁴Ude yaweränä ämawebe päke unitä Josua iwetkuñ; Nin Yawe Anutunin unitäño gämorikengän itkañ mani api buramine yäk.

^c 24:19-20 Mat 6:24; Luk 14:25-33 ^d 24:23 1Ko 10:20-21; Hib 12:28-29